

La Muerte pa via di Madronisia

-- Un kuenta afrikano --

Papa Dios tabatin un kunuku grandi di palu di bakoba.
Un dia el a dera su kachu di bakobanan den tera pa nan hecha.
Despues di algun dia Dios a yama Solo i E di kuné: "Bai den mi kunuku, kaminda tin hopi tera ebóltu. Koka ei i lo bo haña bakoba. Saka nan trese aki."
Solo a bai den e kunuku i el a haña tur kos manera Papa Dios a bisa. Solo a koba e bakobanan saka, hiba nan kas serka Tata.
Papa Dios a puntr'é: "Bo a kome for di nan pa bo mes?"
Solo a kontestá: "Nò, Tata."
Papa Dios di: "Si bo no a kome for di nan, lo mi bolbe mirabo mañan."

Siguiente dia Solo a sali. Papa Dios di kuné: "Bai na pas, mi bon yu. Bo ta inosente."
Solo a sigui biba na pas.

Un otro dia Papa Dios a yama Luna, picie hasi meskos ku el a pidi Solo.
Luna a bai den e kunuku, koba e bakobanan saka, hiba tur kas.
Papa Dios a puntra: "Bo a kome for di nan?"
"Ni un, Tata," Luna a kontestá.
Papa Dios di: "Mañan lo mi ke bolbe mirabo."
Siguiente dia Luna tabata presente.
Papa Dios a bis'é: "Bai na pas."

Papa Dios a yama Strea tamba.
Strea a hasi meskos ku e otro dosnan promé kuné.

Ata un dia Papa Dios a yama Hende i El a bis'é: "Mi yu, bai bo koba e bakobanan saka. Despues nos lo kome for di nan."

Hende a bai koba e bakobanan saka.
El a keda ta mira nan basta ratu. Djé e di den su mes: "Si mi kome for di nan, Tata lo no haña se murka. E no a lanta nan i ta mashá hopi tin."
Papiando asina, el a kita un bakoba kome. Komienzo el a ripará kon delisioso e bakoba tabata: el a sigui kome henter un man di bakoba. Sobrá el a hiba kas.

Ora el a yega, Papa Dios a puntr'é: "Lo a purba for di nan?"
Sin ni un tiki bèrgwensa, Hende a kontestá: "Ni un. Ni purba, Tata. Mi no ta gaña."
Papa Dios di kuné: "Si bo no a kome for di nan, lo mi bolbe mirabo mañan."

Hende a bai druni. Siguiente dia e ker a lanta pa e bai kumindá Tata. El a trata di lanta, pero e no tabatin forza.
El a sinti su pianan tur slap. Papa Dios a keda ta ward'é yega, pero nada.
Ora ku Papa Dios a fada di warda, El a lanta bai serka Hende.
El a yega hañ'é abou na suela.

29-2

2.

Papa Dios a bis'é: "Abo ku ni a krea promé ku Solo, Luna i Strea, di kon bo ta blo ta drumi? Di kon mi ta sperabo en bano?"

Hende a keda ketu; e no tabata sa kiko kontestá.

Papa Dios a papia atrobe.

"No por ta otro. Lo bo a kome for di e bakobanan. Si bo no a kome bakoba, lo bo no tabata malu awor aki."

Hende no a papia ni un pia di palabra.

Papa Dios a sigui: "Mi ke pa bo sa ku mi no ta tuma parti pa esun ku ta kulpabel. Bo desgrasia ta un desgrasia ku bo mes a buska."

Djei Papa Dios a bira lomba bai laga hende na suela.

Su rumannan, esta Solo, Luna i Strea a yega serka dje, mir'é tirá abou na suela.

Nan di: "Hende stimá, abo ta nos runa mayó. Kon bo por a hasi un kos di kèns asina?"

Hende a kontestá: "Mi kurason a gañani. Mi a hòrta bakoba di mi Tata. El a bini aki i El a bira bai lagami tirá aki bou."

Hende a sigui bira mas i mas malu, te ku el a bin muri.

Despues su yunan tambe a bin muri, un tras di otro.

Asina La Muerte a keda entre hende pa rot bo di ladronisia di e promé hende ku Papa Dios a krea.

N' ta asina? Solo, Luna i Strea no a hòrta. Nan a kela manera Papa Dios a krea nan.

Antó nos ta blo muri, blo muri numa...
